



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sponsvs Sangvinvm

Zachmoorter, Michiel

T'Antwerpen, [1641]

Meditatie.

urn:nbn:de:hbz:466:1-35954

G H E B E D T.



Waerachtich eeu-
wich Godt / gheeft
ons altijt in als de
oprechte waer heyt
te belijden / die booz
ons valscheit booz
Pilatus zijt be-
schuldicht gheweest: Verleent ons
opene en clare kennisse onser boos-
heden / op dat wy vande selve niet
een groot berou booz wien Stadt-
houder ons soudent beschuldigen / en
in het laetste Oordeel booz de gant-
sche werelt mogen onbeschuldicht
gebonden worden / ende aldus hier
beginnen met alle liefde u te loben
ende te dancken / ende hier namaels
met alle de Heylighen in alle eeu-
wen der eeuwen. Amen.

M E D I T A T I E.

Bereydinghe.

Eerste deel der Meditatie.

Hebbende overleydt hoe groot
die Majesteydt is / aen wie
ghy gaet spreken / ende u meynin-
ghe

ghe gherecht 't selfs te doene om
alleenelijck hem te behaghen / soo
ghy ghesien hebt inde bereydingen
voorz de eerste Meditatie. fol. 4.

HISTORIE.

Tweede deel der Meditatie.

O Verdenckt / dat alsoo haest
als den daegheraet op ghes-
staen was / den Conrict der He-
melen weder ghebrocht wierdt
in den Raedt der Joden / alwaer
noch eens beleden hebbende / dat
hy den beloofden Messias was /
meynende nu ghenoech te hebben
om u mijnen Heere ende Godt te
beschuldighen / leyden u naer het
Paleys van Pilatus / om datse u
niet met eene ghemeene doot /
maer met die alder - wreedste ende
schandelijckhiste des Cruytsen (die
doven hem bevel ende macht was
souden doen sterben / soo doen sy
u die derde bitter processie begin-
nen / met die pijn ende weedom
die men eenigh nis peysen / maer
niet schryben en kan. Want soo
vast ghebonden / soo mismaecht /

soo

soo flaudo leydense u naer Pila-
 tum. Maer wie soude konnen
 oberpepsen/de schimpen / de spot-
 ten / de slaghen / die sy op dien
 wegh / om u booz al het volck be-
 schaemt te maecten / aen-deden?
 Aldaer ghecomen wesende / Pila-
 tus u siende in sulck-een ghestel-
 tenisse / heeft hen ghebræeght: Wat
 beschuldighen brenghet ghy - lie-
 den teghen desen man die ghy soo
 ghehandelt hebt? Maer wat schult
 sullen sy segghen? Waer desen
 gheen en mis dadighen / segghen sy /
 men souden u hem niet in handen
 ghehen; als oft sy seiden: Wy zijn
 soo rechtbeerdigh / dat wy nie-
 mandt eent ih onghelyck doen en
 souden. Maer Pilatus hun lesse
 leerende / seide: Is hy sulck-een
 quaet - doender / straft hem naer
 ulve wet / want mijns aengaen-
 de / ick en straffe niemant sonder
 te weten waerom. Soo datse be-
 dwonghen wierden iet te versie-
 ren. Desen man / riepen sy / heeft
 opzoer in't volck ghemaect: hy
 heeft daer-en-boven verboden het
 tribuyt

tribuyt aen Cesar te betaelen :
 ende ten derden hy seght dat hy
 Christus den Coninck is. Pila-
 tus naer dese clachten / **O** Heere
 leydt u binnen / ende niet lettende
 op die twee eerste / als wel weten-
 de datse teghen de waerheydt wa-
 ren / heeft u ghebraght op het
 derde / te weten oft ghy van Co-
 nincklijcke stamme ende afcom-
 ste waert / ende ghy hebt hem ver-
 antwoordt dat jae / maer dat u
 rijck van dese werelt niet en was /
 noch verganckelijck / noch weer-
 igch / noch lichaemelijck / ende daer-
 om dat u dienaers om u niet en
 bochten / maer dat ghy eeuwigh
 ghebozen Coninck ter aerden ghe-
 daelt waert / om de menschen de
 waerheydt te leeren / ende te ghe-
 tuyghen ; maer soo Pilatus gheen
 kindt des waerheydts en was /
 soo en strafte hy niet boozder om
 dese waerheydt te kennen. Maer
 is tot die Joden ghegaen / ende
 heeft hun gheseyt dat ghy onno-
 sel waert : sy ter contrarien hebben
 u veel groote grouwelijcke mis-

daden

daden op-ghelept. Pilatus ver-
wondert dat sy dese in't begintfel
souden verstoeghen hebben / heeft
u vermaent dat ghy u eere soude
voor-staen / ende u selven ontschul-
dighen / u segghende: Siet ghy
niet hoe veel misdaden sy u op-
legghen? En weet ghy daer niet
teghen te segghen / zyn die alsoo
gheschiedt? Maer ghy sweeght
sonder een woordken te spreken /
soo dat Pilatus daer af seer ver-
wondert was.

Consideratie oft over-legginghe
van dit mysterie.

Derde deel vande Meditatie:

Hier / hier / comt toch alle
minnende zielen / aenmercht
toch dit allendigh spechtakel / den
euwighen Godt / Rechter van
hemel ende aerde staende ghebon-
den als een Lam inde vierschaer-
re / bereet om ghekeelt te worden.
Daer sit Pilatus vol pracht / als
sijnen Rechter: over beyde de sij-
den houden hem die beulen vast /
verwachende hunnen Schepper
te

te

68 Den Bloedigen Bruydegom

te gaen hanghen: achter hem wa-
 ren een menichte sal ick segghen
 leutoen oft Schriben ende Pha-
 riseen / teghen hem hulpende ende
 tierende. Onder al dese en heeft
 den sachtmoedighsten Salichma-
 ker synen mond niet eens open-
 ghedaen / om hem te ontschuldi-
 ghen / niet eens willen segghen; al
 dat sy my op-legghen strydt te-
 ghen de waerheydt / ick en heb
 niet ghedaen / ick ben onnossel:
 neen hy en spzeekt niet een woord
 deken / liever heeft hy te sterben
 dan hem te berontschuldighen /
 hem teennael ober-ghende in
 de liefste handen ende wille syns
 Vaders / die hy wel betroude dat
 hy niet en soude laten overcomen
 dat hem niet aengenaem en was/
 daerom soo swaegh hy in't mid-
 den van soo veel valsche schroo-
 melijcke leughen die hem op-
 ghelept waeren / soo dat den Rech-
 ter van syn ootmoedighe patien-
 tie verbaest stont / ende vermaen-
 de hem selfs syn recht te bescher-
 men. Iesus autem tacebat. Maer

Iesus

Jesus die sweegh / en en onschul-
 dighde hem niet. Wie en soude
 niet onsteken worden tot oot-
 moedighedyt / tot patientie / tot
 liefde / siende den Heere der Hee-
 ren / den Coninck der Coninghen /
 den almoghenden Godt met sulck
 een ootmoedighedyt ende lijdt-
 saemhedyt lijden soo veel injurien /
 ende valsche injurien / ten onghel-
 ijche / sonder een quaedt woordt
 te spreken / sonder een teecken van
 onpatientie te choonen / sonder
 een suer ghesicht te stellen / son-
 der met een bitter ghepeys hen te
 dreyghen / ja sonder eens hem in't
 minste te onschuldighen / ende met
 die waerheydt te segghen / dat het
 niet waer en was. Ende dat in
 sulck-een plaetse daer hy stont
 vooz den Rechter / daer sijn byan-
 den hem sochten ter doot te doen
 verwijfen dooz dese valsche mis-
 daden / op sulck-eenen tijdt daer
 dat eens die sententie ghestreken
 zijnde / daer naer te laete soude
 wesen ; op sulck-een stont dat hy
 daer dooz niet alleene sijn leven /
 maer

maer sijnen goeden naeme sonde
berliessen / die hy in 33. jaeren ghes-
wonnen hadde. Maer Heere al
die redenen zijn sy niet eens een
onschuldighende woordt weerd? **G**hy
s wijght Heere / ghy zijt per-
sona publica, eenen publijcken per-
soon / u fame en raecht u alleene
niet. Hy en spzeecht niet.

Verweckinghe tot naer-volghen,

Vierde deel der Meditatie.



Wat exempel is dit booz
u / o mijn ziele / zijt ghy
een Christen mensch? **Z**ijt ghy
een naerbolgher
Christi? bestiet het eens
mette wercken. Alsinen uw' quaet
u booz bogē hout / oft verhoijt / daer
ghy nochtans in schuldigh zijt /
s wijght ghy? lijdt ghy dat verdul-
delijck om daer in uwen Saligh-
maker na te volgen? oft ter contra-
rien / tiert ghy / en schelt ghy / roept
ghy datter meer te segghen is op
die't u segghen dan op u? oft pepst
ghy dat op hinnen tijdt ghy hun
ghebzeken oock sul seggen / oft dat
erger

ergheer is / lieght ghy valscheelijck
 segghende dat ghy dat niet gedaen
 en hebt? Indien ghy dese dinghen
 doet: meent ghy een naerboigher
 Christi / een Christen mensch te
 wesen? indien ghy dit doet / wat
 soudy doen oft men u ten onschult
 verwoete / niet een beuselmaert /
 maer een doodelijck misdadert /
 soudt ghy niet ten minsten ter-
 stont dupsent uyt-bluchten bin-
 den / segghende: Ick en kan't niet
 lijden / ick en macht niet lijden /
 'ten is niet menschelijck / waert
 noch een ander die't my seyde:
 maer van dien? dien? wat gaet
 dat hem aen? Waer laet ghy het
 exempel van uwen onsterffelijc-
 ken Godt / ghy arm' sinckende
 mensch / die dat niet alleen uyt
 liefde en heeft gheleden ende ghe-
 sweeghen / maer pijnlijck om
 u een exempel te gheben om van
 ghelijcke te doen / als-men u sal
 niet valscheydte belieghen? Als
 hy u sal braeghen / hoe hebdy dit
 mijn exempel ghevolght / als ick
 sweegh in sulcke lasteringhen /
 die

die mijn natuere soo swaer vie-
 len? belijdt ootmoedelijcken uw-
 schult / ende seght mijnen Hee-
 re / mijnen Godt / ick stinckende
 menschen beschaemt my te ver-
 tooghen vooz u Goddelijck aen-
 schijn / dat ick u soo versmaet aen-
 sien / ende niet sulck-een verdul-
 dighejdt / daer ick soo hoobeer-
 digh / spijtig / quaet / ende onber-
 duldich ben dat ick niet een
 woordken en kan lyden om u-
 went wille: gheeft my tooch een
 waerachtighe ootmoedighejdt
 ende lydtfaemhejdt om sonder
 weder spreken te lyden ende pa-
 tientelijck te verdraghen / al het
 ghene men my te ghelijcke oft on-
 ghelijcke op- legghen sal; want
 Heere ghy my de begeerte gheghe-
 ven hebt / gheeft my oock het vol-
 brenghen / sterckt my Heere als
 dien / oft dien N. N. my sal sulck-
 een quaet doen / oft den dien sulck-
 een saecke verbwijten / oft den an-
 deren N. met sulck-een saecke be-
 lieghen / dat ick al dat ter eer-
 van u geerne magh lyden / sonder

my

my te bergrammen / sonder quaet
 te spreken / sonder hem suer te be-
 sien / ende sonder mijn inwendighe
 brede ende ruste te verliesen / ja
 sonder my in't minste te ontschul-
 dighen / want ick bereet ben dat
 om uwen't wille / ende al dat u be-
 lieben sal my ober te senden / geer-
 ne te lijden ende te verdraeghen
 Want den mensch en moet niet
 strijden tegen dat ghy sijnen Godt
 hent oversent / 't welck altyts het
 beste is / want ghy kent ons ende
 wilt ons altydts het salighste
 jonnen / om dat ghy zyt die op-
 perste moghentheydt / die al-we-
 tende wijsheydt / ende die onghes-
 paelde liefde / die ons met alle sa-
 ken op het naeste soeckt tot u te
 trecken / waer dat wy u daerdaer
 wilden volghen : gheeft my toch
 die gratie van nu also te gaen doen.